

## IRSYAD

### Soalan

Saya sudah melaksanakan ibadah akikah untuk anak lelaki saya dengan seekor kambing. Adakah saya perlu melaksanakan ibadah akikah sekali lagi untuknya kerana anak lelaki memerlukan dua ekor kambing.

### Jawapan

kerana itu, ibu bapa dituntut untuk melakukannya ke atas anak tanggungan mereka sebagai mengikut sunnah Nabi *Sallallahu alaihi wasallam*.

Hal ini berdasarkan hadis daripada Salman bin Amir al-Dzabbi *Radiallahu anhu* katanya: "Aku mendengar Rasulullah *Sallallahu alaihi wasallam* bersabda:

مَعَ الْغُلَامِ عَقِيْقَةٌ فَأَهْرِيْقُوا عَنْهُ دَمًا وَأَمِيْطُوا عَنْهُ الْأَذَى

Maksud: "Bersama-sama kelahiran bayi, ada akikahnya. Oleh itu, tumpahkanlah darah akikah bagi pihaknya dan buanglah kekotoran dan najis daripadanya."

(Riwayat al-Bukhari, 5154)

Berkaitan dengan bilangan kambing yang perlu diakikahkan, bagi anak lelaki disunatkan dengan menyembelih dua ekor kambing manakala bagi anak perempuan pula adalah dengan menyembelih seekor kambing. Ini berdasarkan sabda Nabi *Sallallahu alaihi wasallam* yang menyebutkan:

عَنِ الْغُلَامِ شَاتَانِ مُكَافِئَتَانِ وَعَنِ الْجَارِيَةِ شَاةٌ

Maksud: "(Sesiapa yang dikurniakan anak dan ingin melakukan ibadat untuknya, maka lakukanlah ibadah akikah) bagi anak lelaki dua ekor kambing dan bagi anak perempuan pula seekor kambing".

(Hadis Riwayat Abu Daud, 2842)

Berdasarkan hadis di atas, asal bagi akikah untuk anak lelaki adalah dua ekor kambing manakala bagi anak perempuan pula adalah seekor kambing. Ini adalah tertib yang terbaik bagi seseorang jika ingin melakukan ibadah akikah.

Adapun akikah yang telah dilaksanakan dengan menyembelih seekor kambing sudah memadai tanpa perlu mengulanginya lagi. Ini berdasarkan hadis daripada Ibn Abbas *Radiallahu anhu*, katanya:



## IRSYAD

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ عَقَّ عَنِ الْحَسَنِ وَالْحُسَيْنِ كَبْشًا كَبْشًا

Maksud: "Sesungguhnya Rasulullah Sallallahu alaihi wasallam mengakikahkan Hassan seekor kambing dan Husain seekor kambing."

(Hadis Riwayat Abu Daud, 2841)

Walau bagaimanapun, dua ekor kambing bagi ibadah akikah untuk seorang anak lelaki adalah lebih baik sekiranya ibu bapa berkemampuan untuk melaksanakannya.



جَابِتَانِ مُفْتِي سَرَاوَقِ  
JABATAN MUFTI SARAWAK